

dr. Dennis Gratz

Zastupnik u Predstavničkom domu Parlamenta Federacije BiH

Sarajevo, 28. mart 2018.

Dostaviti:

Bosna i Hercegovina
Federacija Bosna i Hercegovina
Parlament Federacije Bosne i Hercegovine
Predstavnički dom, n/r Edin Mušić, predsjedavajući

Vlada Federacije Bosne i Hercegovine
n/r Fadila Novalić, Premijer

PREDMET: Nacrt zakona o komori arhitekata i komorama inženjera u građevinarstvu i prostornom uređenju Federacije Bosne i Hercegovine

Poštovani,

Na osnovu člana 179, a u vezi sa članom 163. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, broj 69/07 i 2/08), dostavljam Vam Nacrt zakona o komori arhitekata i komorama inženjera u građevinarstvu i prostornom uređenju Federacije Bosne i Hercegovine, sa obrazloženjem na bosanskom jeziku i elektronsku verziju istog.

S poštovanjem,


dr. Dennis Gratz

Zastupnik u Predstavničkom domu Parlamenta Federacije BiH

Naša stranka

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

| | | |
|------------|------------|--------|
| PRIMLJENO: | 27-03-2018 | |
| 011- | 02- | 545/18 |

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

| | | | |
|------------|------------|---------|-----------|
| Primljeno: | 27-03-2018 | | |
| Org. jed. | Broj | Priloga | Vrijedno: |
| 02- | 02- | 545/18 | |

DENNIS GRATZ

ZASTUPNIK U PREDSTAVNIČKOM DOMU
PARLAMENTA FEDERACIJE BOSNE I HERCEGOVINE

N A C R T

**ZAKON O KOMORI ARHITEKATA I KOMORAMA
INŽENJERA U GRAĐEVINARSTVU I PROSTORNOM
UREĐENJU FEDERACIJE BOSNE I HERCEGOVINE**

Sarajevo, mart 2018.

ZAKON O KOMORI ARHITEKATA I KOMORAMA INŽENJERA U GRAĐEVINARSTVU I PROSTORNOM UREĐENJU FEDERACIJE BOSNE I HERCEGOVINE

I. OPĆE ODREDBE

Član 1.

(1) Ovim Zakonom uređuje se pojam, pravni status, organizacija, članstvo, nadležnost, poslovi i zadaci u Komori arhitekata, Komori inženjera građevinarstva, Komori inženjera mašinstva, Komori inženjera elektrotehnike, Komori inženjera geologije i rudarstva, te Komori inženjera saobraćaja Federacije Bosne i Hercegovine (u daljem tekstu: Komora), tijela Komore, njihov rad i opći akti koje Komora donosi, saradnja Komore s drugim organima i organizacijama, javnost rada Komore te način finansiranja Komore u Federaciji BiH.

(2) Ovim zakonom uređuje se kvaliteta pružene usluge u poslovima projektiranja, revizije projekta i/ili stručnog nadzora nad građenjem, građenja i održavanja građevine, disciplinska odgovornost ovlaštenog arhitekta, ovlaštenog inženjera, ovlaštenog voditelja građenja i ovlaštenog voditelja radova u svojstvu odgovorne osobe, profesionalno osiguranje i osiguranje od odgovornosti, prekršajne odredbe i nadzor nad provođenjem Zakona, te druga pitanja od značaja za rad Komore.

Član 2.

Značenje pojmova koji se koriste u ovom zakonu, a imaju rodno značenje, odnose se jednako na ženski i muški rod.

Član 3.

(1) Komora je samostalna i nezavisna stručna organizacija ovlaštenih arhitekata, ovlaštenih inženjera, ovlaštenih voditelja građenja i ovlaštenih voditelja radova s poslovnom adresom u Federaciji BiH, u skladu s posebnim propisima koji uređuju obavljanje djelatnosti u području građenja i prostornog uređenja, i posebnim zakonom kojim se uređuje priznavanje inozemnih stručnih kvalifikacija.

(2) Komora zastupa i usklađuje zajedničke interese ovlaštenih arhitekata, ovlaštenih inženjera, ovlaštenih voditelja građenja i ovlaštenih voditelja radova pred nadležnim organima vlasti u Federaciji BiH i inozemstvu, te se brine o tome da isti savjesno i u skladu sa zakonom i javnim interesom vrše poslove u području građenja i prostornog uređenja.

(3) U Komoru se obavezno udružuju ovlašteni arhitekti, ovlašteni inženjeri, ovlašteni voditelji građenja i ovlašteni voditelji radova radi zastepena i usklađivanja zajedničkih interesa, zaštite javnog interesa i zaštite interesa trećih osoba.

(4) Osobe iz stava 1. ovog člana obavljaju poslove svojih reguliranih profesija u skladu sa Zakonom o građenju Federacije BiH, Zakonom o prostornom planiranju i korištenju zemljišta na razini Federacije BiH i drugim posebnim propisima, te postupaju samostalno i odgovorno.

Član 4.

(1) Članovi Komore ostvaruju svoje interese u Komori neposredno u stručnim oblicima organiziranja i posredno preko svojih izabраниh predstavnika u tijelima Komore i drugim organiziranim oblicima rada utvrđenih statutom Komore.

(2) Komora saraduje s drugim komorama i odgovarajućim udruženjima u zemlji i inozemstvu.

(3) Komora saraduje nadležnim organima vlasti u Federaciji BiH posebno u postupku izrade propisa iz područja građevinarstva, i to putem:

- učešća u radu radnih tijela za izradu zakona i podzakonskih akata
- davanja mišljenja, prijedloga i primjedbi na prijedloge zakona i podzakonskih akata, te upućivanja inicijativa za donošenje novih propisa od interesa za članove Komore.

Član 5.

(1) Komora ima sjedište u Sarajevu. Komora ima svojstvo pravne osobe.

(2) Komora se upisuje u sudski registar te ima svoj znak, pečat i žigove.

(3) U Komori se prema potrebama i interesima članova i strukturi njihovih profesija mogu organizirati granska udruženja, grupacije, sekcije, savjeti i drugi oblici organiziranja u skladu sa Statutom Komore (u daljem tekstu: Statut) i Pravilnikom o radu komore, a njihovi odnosi se mogu urediti internim aktima Komore ili sporazumom.

Član 6.

(1) Komora obavlja javne ovlasti koje su propisane ovim Zakonom te drugim posebnim zakonima.

(2) U postupcima koji se vode prema ovom Zakonu primjenjuju se odredbe Zakona o upravnom postupku Federacije BiH, osim u postupku pred Disciplinskim sudom i Višim disciplinskom sudom Komore.

Član 7.

Pojmovi koji se koriste u ovom Zakonu imaju značenje utvrđeno posebnim zakonima kojima se uređuje obavljanje djelatnosti u području arhitekture, građevinarstva i prostornog uređenja.

II. JAVNOST RADA

Član 8.

(1) Rad Komore je javan.

(2) Komora javnosti i zainteresiranim osobama osigurava pristup informacijama o svom radu u skladu s odredbama posebnih propisa kojima se uređuje pravo na pristup informacijama.

III. TIJELA KOMORE

Član 9.

(1) Tijela Komore su Skupština, Upravni odbor, Nadzorni odbor, predsjednik te druga tijela propisana ovim Zakonom i statutom Komore.

(2) Tijela Komore su nezavisna i samostalna u obavljanju poslova iz svog djelokruga.

(3) Organizacija, nadležnost, sastav, način izbora, mandat, prava i dužnosti tijela Komore utvrđuju se statutom i drugim općim aktima Komore.

Skupština Komore

Član 10.

(1) Skupština Komore je najviše tijelo upravljanja Komorom koje odlučuje u skladu s ovlaštenjima pruženim ovim Zakonom i statutom Komore.

(2) Skupštinu Komore čine predstavnici izabrani u skladu s općim aktom Komore.

Član 11.

(1) Sjednica Skupštine može biti redovna ili vanredna.

(2) Redovnu sjednicu Skupštine Komore saziva predsjednik Komore najmanje jednom godišnje.

(3) Predsjednik Komore može sazvati vanrednu sjednicu Skupštine Komore u svako doba ako to zbog rješavanja određenih pitanja pisano zatraži Upravni odbor Komore ili najmanje jedna trećina članova Komore, uz navođenje predmeta rasprave.

(4) U slučaju iz stava 2. ovoga člana predsjednik Komore dužan je sazvati vanrednu sjednicu Skupštine Komore te predložiti dnevni red koji se dostavlja uz poziv, najkasnije u roku od 14 dana od prijema zahtjeva za sazivanje sjednice Skupštine Komore.

Član 12.

(1) Skupština Komore donosi:

- statut Komore i druge opće akte određene ovim Zakonom i statutom Komore
- program rada Komore
- godišnji proračun prihoda i rashoda Komore
- poslovnik o radu Skupštine Komore i drugih tijela Komore
- Pravilnik o uvjetima i postupku za privremeno ili povremeno pružanje usluga te priznavanje inozemnih stručnih kvalifikacija
- druge akte određene ovim Zakonom ili statutom Komore
- strateške odluke važne za rad Komore i dr.

(2) Skupština Komore odlučuje o:

- prihvaćanju izvještaja o izvršenju programa rada Komore
- prihvaćanju izvještaje o izvršenju proračuna prihoda i rashoda Komore
- visini upisnine, članarine i naknade za usluge Komore
- raspisivanju izbora te provodi imenovanja i razrješenja u skladu s ovim Zakonom, statutom Komore te drugim općim aktima Komore
- međusobnim odnosima i saradnji s drugim komorama i udrugama radi provedbe programa od zajedničkog interesa i
- drugim pitanjima određenim ovim Zakonom ili statutom Komore.

(3) Skupština Komore obavlja i druge poslove određene ovim Zakonom i statutom Komore.

Upravni odbor Komore

Član 13.

(1) Upravni odbor Komore izvršno je tijelo koje vodi poslovanje Komore i nadležan je za izvršenje programa rada Komore i donesenih odluka.

(2) Članove Upravnog odbora Komore Skupštini predlaže predsjednik Komore iz reda članova Skupštine.

(3) Predsjednik Komore predsjedava sjednicom i rukovodi radom Upravnog odbora.

(4) Zadaće Upravnog odbora Komore su da:

- provodi odluke i zaključke Skupštine Komore
- utvrđuje prijedlog statuta Komore i drugih općih akata koje donosi Skupština Komore
- predlaže odluke, zaključke i stajališta te daje mišljenja o pitanjima o kojima Skupština Komore raspravlja
- utvrđuje i usklađuje interese članova Komore pri oblikovanju mjera ekonomske politike i izrade zakona i podzakonskih propisa
- procjenjuje učinak važećih propisa i tijelima državne uprave predlaže nove mjere za jačanje sektora građevinarstva i prostornog uređenja
- osniva i imenuje članove radnih skupina, komisija, stručnih savjeta, ekspertnih radnih skupina za pojedina područja s obavezujućim stručnim mišljenjima
- rješava sva pitanja koja nisu stavljena u djelokrug kojem drugom tijelu Komore.

- (5) Upravni odbor obavlja i druge poslove određene ovim Zakonom i statutom Komore.
- (6) Upravni odbor Komore odgovara za svoj rad Skupštini Komore.

Nadzorni odbor Komore

Član 14.

- (1) Nadzorni odbor Komore nadzire:
- provođenje statuta Komore i drugih općih akata Komore te ostvarivanje prava i ispunjavanje obaveza članova Komore
 - materijalno i finansijsko poslovanje Komore i raspolaganje sredstvima Komore
 - rad Sekretarijata Komore.
- (2) Članove Nadzornog odbora Skupštini predlaže predsjednik Komore.
- (3) Skupština Komore može ovlastiti Nadzorni odbor Komore za obavljanje drugih poslova.
- (4) Članovi Nadzornog odbora Komore ne mogu biti članovi drugih tijela Komore.
- (5) Nadzorni odbor Komore odgovara za svoj rad Skupštini Komore.

Predsjednik Komore

Član 15.

- (1) Predsjednika Komore iz reda svojih članova bira Skupština Komore.
- (2) Predsjednik Komore bira se na mandat od četiri godine i može biti ponovno biran na još jedan mandat.
- (3) Predsjednik Komore predstavlja i zastupa Komoru, odgovara za zakonitost njezina rada te obavlja druge poslove određene ovim Zakonom i statutom Komore.
- (4) Predsjednik Komore može samostalno odlučivati o sklapanju pravnih poslova čija vrijednost ne prelazi iznos određen statutom Komore.
- (5) Predsjednik Komore odlučuje o sklapanju ugovora o radu te o pravima i obavezama iz radnih odnosa ako statutom Komore nije drukčije određeno.
- (6) Predsjednik Komore obavlja svoju funkciju na osnovu ugovora o radu ili bez zasnivanja radnog odnosa.
- (7) Predsjednik Komore odgovara za svoj rad Skupštini Komore.

Sekretarijat Komore

Član 16.

- (1) Sekretarijat Komore obavlja stručne, administrativne i pravne poslove te vodi redovno i tekuće poslovanje Komore.
- (2) Sekretarijat čine glavni sekretar i potreban broj stalno zaposlenih stručnih i administrativnih službenika.
- (3) Radom Sekretarijata Komore upravlja glavni sekretar Komore.
- (4) Za glavnog sekretara Komore može nakon provedbe javnog natječaja biti izabrana osoba koja ima završeni diplomski univerzitetski studij ili specijalistički diplomski stručni studij i najmanje pet godina radnog iskustva.
- (5) Pitanja vezana za rad Sekretarijata detaljnije se uređuju statutom Komore i pravilnikom o radu koje donosi Skupština Komore.

Disciplinski sud i Viši disciplinski sud

Član 17.

- (1) U disciplinskim predmetima protiv članova Komore u prvom stupnju odlučuje Disciplinski sud Komore, a u drugom stupnju Viši disciplinski sud Komore.
- (2) Suce Disciplinskog suda, Višega disciplinskog suda te disciplinskog tužitelja i zamjenike (u daljnjem tekstu: disciplinska tijela) imenuje Skupština Komore na prijedlog Upravnog odbora Komore. Imenovani na funkcije u disciplinska tijela ne mogu obavljati druge funkcije u tijelima Komore.
- (3) Disciplinska djela, pokretanje disciplinskog postupka, postupak pred disciplinskim sudom, uvjeti odgovornosti, disciplinske mjere te ostala pitanja vezana za rad disciplinskih tijela uređuju se statutom Komore i pravilnikom koje donosi Skupština Komore.
- (4) Disciplinska tijela su u svom radu nezavisna i samostalna u odlučivanju.

Član 18.

- (1) Disciplinski sud odlučuje u vijeću od tri suca, a Viši disciplinski sud odlučuje u vijeću od pet sudija.
- (2) Predsjednik vijeća Disciplinskog suda i Višeg disciplinskog suda mora biti iz reda sudija redovnih sudova, imenovanih na listu sudaca Disciplinskog suda i Višeg disciplinskog suda Komore.

Centar za arbitražu

Član 19.

(1) Pri Komori se osniva Centar za arbitražu.

(2) Centar za arbitražu pruža usluge rješavanja sporova putem arbitraže u kojem jedan ili više arbitra pomaže strankama – domaćim i stranim fizičkim i pravnim osobama da zaključe nagodbu u građanskim, trgovačkim, radnim i drugim imovinsko-pravnim sporovima o pravima kojima slobodno raspolažu.

(3) Statutom i općim aktom Komore uređuje se organizacija Centra, nadležnost, postupak, način odlučivanja, obavljanje administrativno-tehničkih poslova, financiranje i druga pitanja vezana uz rad Centra za mirenje.

(4) Listu arbitra utvrđuje Skupština Komore i objavljuje se u „Službenim novinama Federacije Bosne i Hercegovine“.

IV. OPĆI AKTI KOMORE

Član 20.

Opće akte Komore, i to statut, etički kodeks, poslovnik i druge opće akte donose tijela Komore u okviru svojih nadležnosti.

Statut Komore

Član 21.

(1) Statutom Komore pobliže se uređuje:

- organizacija Komore i tijela Komore
- postupak izbora i razrješenja članova tijela Komore
- oblici udruživanja ovlaštenih arhitekata i ovlaštenih inženjera za područje jedne ili više jedinica područne (regionalne) samouprave
- postupak upisa i način vođenja imenika, upisnika i evidencija Komore
- stručni smjerovi pojedine struke ovlaštenih arhitekata i ovlaštenih inženjera, ovlaštenih voditelja građenja, odnosno ovlaštenih voditelja radova i zadaće tih smjerova
- prava i dužnosti ovlaštenih arhitekata, ovlaštenih inženjera, ovlaštenih voditelja građenja, odnosno voditelja radova
- disciplinska djela, tijela za pokretanje i vođenje disciplinskog postupka, disciplinski postupak za utvrđivanje povrede dužnosti i ugleda ovlaštenih arhitekata, ovlaštenih inženjera, ovlaštenih voditelja građenja, odnosno ovlaštenih voditelja radova, disciplinske mjere
- organizacija i poslovi Sekretarijata Komore i glavnog sekretara Komore
- druga pitanja određena ovim Zakonom i od važnosti za rad ovlaštenih arhitekata, ovlaštenih inženjera, ovlaštenih voditelja građenja, odnosno ovlaštenih voditelja radova i Komore.

(2) Statut Komore donosi Skupština Komore uz prethodnu saglasnost ministarstva nadležnog za građevinarstvo i prostorno uređenje (u daljnjem tekstu: Ministarstvo).

(3) Ako Ministarstvo u roku od 30 dana od dana kada je zaprimilo nacrt statuta ne izda saglasnost iz stava 2. ovoga člana, smatra se da je saglasnost data.

(4) Statut Komore objavljuje se u „Službenim novinama Federacije Bosne i Hercegovine.“

Etički kodeks

Član 22.

(1) Etičkim kodeksom utvrđuje se skup etičkih načela i pravila kojih su se članovi Komore dužni pridržavati pri obavljanju poslova.

(2) Etički kodeks donosi Skupština Komore.

(3) Etički kodeks objavljuje se u „Službenim novinama Federacije Bosne i Hercegovine.“

V. JAVNE OVLAŠTI

Član 23.

(1) Komora u skladu s ovim Zakonom ima sljedeće javne ovlasti:

- vodi imenik ovlaštenih arhitekata, imenik ovlaštenih inženjera, imenik ovlaštenih voditelja građenja i imenik ovlaštenih voditelja radova koji su njezini članovi, a koji sadržava struku i stručni smjer ovlaštenog arhitekta, ovlaštenog inženjera, ovlaštenog voditelja građenja, odnosno ovlaštenog voditelja radova
- vodi imenik stranih ovlaštenih osoba koje su njezini članovi, a koji sadržava struku i stručni smjer ovlaštenog arhitekta ovlaštenog inženjera, ovlaštenog voditelja građenja, odnosno ovlaštenog voditelja radova
- vodi upisnik ureda za samostalno obavljanje poslova projektiranja i/ili stručnog nadzora građenja
- vodi upisnik zajedničkih ureda
- vodi evidenciju odobrenja za rad izdanih stranim arhitektima, odnosno inženjerima
- vodi evidenciju stranih ovlaštenih osoba kojima je izdala potvrdu za povremeno ili privremeno obavljanje poslova projektiranja i/ili stručnog nadzora građenja, poslova vođenja građenja u svojstvu odgovorne osobe, poslova voditelja projekta gradnje, poslova ispitivanja i prethodnih istraživanja
- vodi evidenciju osoba kojima je priznala inozemne stručne kvalifikacije
- vodi evidenciju voditelja projekta građenja
- vodi evidenciju voditelja radova – tehničara odgovarajuće struke
- izdaje uvjerenja, odnosno potvrde o činjenicama o kojima Komora vodi službene evidencije
- izdaje i oduzima ovlaštenom arhitektu, ovlaštenom inženjeru, ovlaštenom voditelju građenja i ovlaštenom voditelju radova pečat i iskaznicu ovlaštenog arhitekta, ovlaštenog inženjera, ovlaštenog voditelja građenja, odnosno ovlaštenog voditelja radova
- uspostavlja, organizira i provodi stručno usavršavanje
- obavlja stručni nadzor nad radom svojih članova.

(2) Federalna komora arhitekata, osim javnih ovlasti iz stava 1. ovoga člana, ima još i sljedeće javne ovlasti:

- uspostavlja i vodi upisnik ureda za samostalno obavljanje stručnih poslova prostornog uređenja
- uspostavlja i vodi upisnik zajedničkih ureda za obavljanje stručnih poslova prostornog uređenja i
- uspostavlja i vodi evidenciju stranih ovlaštenih osoba kojima je izdala rješenje za povremeno ili privremeno obavljanje poslova prostornog uređenja u svojstvu odgovorne osobe.

Član 24.

Upis u imenik, upisnik, odnosno evidenciju iz člana 23. stavaka 1. i 2. ovoga Zakona Komora je dužna obaviti u roku od osam dana od dana primitka urednog zahtjeva za upis.

Član 25.

(1) Akt na osnovu kojeg se vrši upis ili promjena stanja u imeniku, upisniku ili evidenciji koji vodi Komora te izvadak i potvrda izdana na osnovu podataka iz tog imenika, upisnika ili evidencije, predstavljaju javne isprave.

(2) Komora se na javnim ispravama koje izdaje u obavljanju javnih ovlasti koristi pečatom čiji će se izgled, oblik i sadržaj utvrditi posebnim propisom.

VI. UPIS U IMENIKE KOMORE, MIROVANJE I PRESTANAK ČLANSTVA U KOMORI

Stručna zvanja

Član 26.

(1) Članstvo u Komori i pravo upotrebe stručnog zvanja stiče se rješenjem o upisu u odgovarajući imenik članova odgovarajuće komore.

(2) Upisom u imenik ovlaštenih arhitekata i inženjera stiče se stručno zvanje: ovlaštenu inženjer arhitekture, ovlaštenu inženjer građevinarstva, ovlaštenu inženjer mašinstva, ovlaštenu inženjer elektrotehnike, ovlaštenu inženjer geologije ili ovlaštenu inženjer rudarstva, te ovlaštenu inženjer saobraćaja.

(3) Upisom u imenik ovlaštenih voditelja građenja stiče se stručno zvanje: ovlaštenu voditelj građenja arhitektonske struke, ovlaštenu voditelj građenja građevinske struke, ovlaštenu voditelj građenja mašinske struke, ovlaštenu voditelj građenja elektrotehničke struke, ovlaštenu voditelj građenja geološke struke, ovlaštenu voditelj građenja saobraćajne struke.

(4) Upisom u imenik ovlaštenih voditelja radova stiče se stručno zvanje: ovlaštenu voditelj radova arhitektonske struke, ovlaštenu voditelj radova građevinske struke, ovlaštenu voditelj

radova mašinske struke, ovlaštenu voditelj radova elektrotehničke struke, ovlaštenu voditelj radove geološke struke, ovlaštenu voditelj građenja saobraćajne struke.

(5) Rješenje o upisu u odgovarajući imenik odgovarajuće komore donosi Komora te se osobama iz stavaka 2., 3. i 4. ovoga člana izdaje pečat i iskaznica.

(6) Komora može imati počasne članove u skladu s uvjetima propisanim statutom Komore.

Uvjeti za upis u imenik ovlaštenih arhitekata, odnosno ovlaštenih inženjera

Član 27.

Pravo na upis u imenik ovlaštenih arhitekata, odnosno ovlaštenih inženjera Komore ima fizička osoba koja kumulativno ispunjava sljedeće uvjete:

1. da je završila odgovarajući preddiplomski i diplomski univerzitetski studij ili integrirani preddiplomski i diplomski univerzitetski studij i stekla akademski naziv magistar inženjer, ili da je završila odgovarajući specijalistički diplomski stručni studij i stekla stručno zvanje stručni specijalist inženjer ako je tijekom cijelog svog studija stekla najmanje 300 ECTS bodova, odnosno da je na drugi način propisan posebnim propisom stekla odgovarajući stepen obrazovanja odgovarajuće struke
2. da je nakon završetka odgovarajućeg diplomskog univerzitetskog studija ili nakon završetka odgovarajućeg specijalističkog diplomskog stručnog studija provela na odgovarajućim poslovima u struci najmanje dvije godine, da je nakon završetka odgovarajućeg diplomskog univerzitetskog studija ili odgovarajućeg specijalističkog diplomskog stručnog studija provela na odgovarajućim poslovima u struci najmanje jednu godinu, ako je uz navedeno iskustvo nakon završetka odgovarajućeg preddiplomskog univerzitetskog ili nakon završetka odgovarajućeg preddiplomskog stručnog studija stekla odgovarajuće iskustvo u struci u trajanju od najmanje tri godine, odnosno bila zaposlena na stručnim poslovima građevinarstva i/ili prostornoga uređenja u tijelima državne uprave ili jedinica lokalne samouprave te kantonalnim zavodima za prostorno uređenje najmanje deset godina
3. da je ispunila uvjete sukladno posebnim propisima kojima se propisuje polaganje stručnog ispita.

Uvjeti za upis u imenik ovlaštenih voditelja građenja

Član 28.

(1) Pravo na upis u imenik ovlaštenih voditelja građenja Komore ima fizička osoba koja kumulativno ispunjava sljedeće uvjete:

1. da je završila odgovarajući preddiplomski i diplomski univerzitetski studij ili integrirani preddiplomski i diplomski univerzitetski studij i stekla akademski naziv magistar inženjer, ili da je završila odgovarajući specijalistički diplomski stručni studij i stekla stručno zvanje stručni specijalist inženjer ako je tijekom cijelog svog studija stekla najmanje 300 ECTS bodova, odnosno da je na drugi način propisan posebnim propisom stekla odgovarajući stepen obrazovanja odgovarajuće struke i ima najmanje tri godine radnog iskustva u struci ili

da je završila studij i stekla stručno zvanje stručni prvostupnik (bakalaureat) inženjer ili akademski naziv univerzitetski prvostupnik (bakalaureat) inženjer odgovarajuće struke, odnosno da je na drugi način propisan posebnim propisom stekla odgovarajući stepen obrazovanja odgovarajuće struke i ima najmanje četiri godine radnog iskustva u struci ili

ili
da je završila studij i stekla stručno zvanje pristupnik inženjer odgovarajuće struke, odnosno da je na drugi način propisan posebnim propisom stekla odgovarajući stepen obrazovanja odgovarajuće struke i da ima najmanje pet godina radnog iskustva u struci

2. da je ispunila uvjete sukladno posebnim propisima kojima se propisuje polaganje stručnog ispita.

(2) Upisom u imenik ovlaštenih voditelja građenja automatski se stiče pravo za obavljanje poslova ovlaštenih voditelja radova.

Uvjeti za upis u imenik ovlaštenih voditelja radova

Član 29.

Pravo na upis u imenik ovlaštenih voditelja radova Komore ima fizička osoba koja kumulativno ispunjava sljedeće uvjete:

1. da je završila odgovarajući preddiplomski i diplomski univerzitetski studij ili integrirani preddiplomski i diplomski univerzitetski studij i stekla akademski naziv magistar inženjer, ili da je uspješno završila odgovarajući specijalistički diplomski stručni studij kojim se stiče stručno zvanje stručni specijalist inženjer ako je tijekom cijelog svog studija stekla najmanje 300 ECTS bodova, odnosno da je na drugi način propisan posebnim propisom stekla odgovarajući stepen obrazovanja odgovarajuće struke i ima najmanje dvije godine radnog iskustva u struci

ili

da je završila studij i stekla stručno zvanje stručni prvostupnik (bakalaureat) inženjer ili akademski naziv univerzitetski prvostupnik (bakalaureat) inženjer odgovarajuće struke, odnosno da je na drugi način propisan posebnim propisom stekla odgovarajući stepen obrazovanja odgovarajuće struke i ima najmanje tri godine radnog iskustva u struci

ili

da je završila studij i stekla stručno zvanje pristupnik inženjer odgovarajuće struke, odnosno da je na drugi način propisan posebnim propisom stekla odgovarajući stepen obrazovanja odgovarajuće struke i ima najmanje četiri godine radnog iskustva u struci

2. da je ispunila uvjete sukladno posebnim propisima kojima se propisuje polaganje stručnog ispita.

Evidencija voditelja projekta

Član 30.

(1) Komore su dužne ustrojiti i voditi evidenciju voditelja projekta.

(2) Pravo na upis u evidenciju iz stava 1. ovoga člana imaju voditelji projekta koji te poslove obavljaju u skladu s posebnim propisom kojim se uređuju poslovi i djelatnosti prostornoga uređenja i građenja.

Evidencija voditelja radova – tehničara odgovarajuće struke

Član 31.

(1) Komore su dužne ustrojiti i voditi evidenciju voditelja radova – tehničara odgovarajuće struke.

(2) Pravo na upis u evidenciju iz stava 1. ovoga člana imaju voditelji radova – tehničari odgovarajuće struke koji te poslove obavljaju u skladu s posebnim propisom kojim se uređuju poslovi i djelatnosti prostornoga uređenja i građenja.

Mirovanje članstva u Komori

Član 32.

Ovlaštenom arhitektu, ovlaštenom inženjeru, ovlaštenom voditelju građenja i ovlaštenom voditelju radova članstvo u Komori miruje:

- ako je u pritvoru
- ako mu je izrečena disciplinska mjera zabrane obavljanja poslova
- ako je izabran ili imenovan na kakvu plaćenu javnu dužnost ili na dužnost predsjednika Komore na osnovu ugovora o radu
- ako se zaposli u tijelima državne uprave ili lokalne samouprave
- ako to sam zatraži.

Član 33.

(1) Rješenje o mirovanju donosi nadležno tijelo Komore, po službenoj dužnosti ili na osobni zahtjev ovlaštenog arhitekta, ovlaštenog inženjera, ovlaštenog voditelja građenja i ovlaštenog voditelja radova.

(2) Za vrijeme mirovanja ovlaštenom arhitektu, ovlaštenom inženjeru, ovlaštenom voditelju građenja i ovlaštenom voditelju radova miruju sva prava i obaveze koje proizlaze iz članstva u Komori.

(3) Rješenje iz stava 1. ovoga člana ukinut će se po službenoj dužnosti ili na osobni zahtjev stranke nakon prestanka razloga zbog kojih je određeno mirovanje.

Prestanak članstva u Komori

Član 34.

(1) Ovlaštenom arhitektu, ovlaštenom inženjeru, ovlaštenom voditelju građenja, odnosno ovlaštenom voditelju radova prestaje članstvo u Komori:

- ako mu je oduzeta poslovna sposobnost
- ako postane trajno zdravstveno nesposoban za obavljanje poslova
- ako podnese zahtjev za prestanak članstva u Komori
- ako je osuđen na bezuvjetnu kaznu zatvora dužu od šest mjeseci
- ako mu je izrečena sigurnosna mjera zabrane obavljanja dužnosti ili djelatnosti

- ako je disciplinsko kažnjen prestankom članstva u Komori
- odlaskom u mirovinu ako to pisanim zahtjevom zatraži
- smrću.

(2) U slučaju prestanka članstva u Komori nadležno tijelo Komore rješenjem određuje brisanje člana iz imenika ovlaštenih arhitekata, imenika ovlaštenih inženjera, imenika ovlaštenih voditelja građenja, odnosno imenika ovlaštenih voditelja radova.

Član 35.

(1) Prestankom članstva u Komori gubi se stručno zvanje ovlaštene arhitekt, ovlaštene inženjer i stručno zvanje ovlaštenog voditelja građenja, odnosno ovlaštenog voditelja radova te pravo na obavljanje poslova koje obavlja osoba s tim nazivom.

(2) Pravo na obavljanje poslova ovlaštenog arhitekta, ovlaštenog inženjera, ovlaštenog voditelja građenja, odnosno ovlaštenog voditelja radova u slučaju iz člana 34. stava 1. podstavaka 1., 5. i 6. ovoga Zakona prestaje danom pravomoćnosti odluke o oduzimanju poslovne sposobnosti, odluke kojom se izriče sigurnosna mjera zabrane obavljanja dužnosti ili djelatnosti, odnosno odluke o disciplinskoj mjeri prestanka članstva u Komori.

(3) Pravo na obavljanje poslova ovlaštenog arhitekta, ovlaštenog inženjera, ovlaštenog voditelja građenja, odnosno ovlaštenog voditelja radova u slučaju iz člana 34. stava 1. podstavaka 2., 3., 4. i 7. ovoga Zakona prestaje danom pravomoćnosti rješenja o brisanju člana iz imenika ovlaštenih arhitekata, odnosno ovlaštenih inženjera, imenika ovlaštenih voditelja građenja, odnosno imenika ovlaštenih voditelja radova.

Ponovni upis u imenik

Član 36.

(1) Osoba kojoj je prestalo članstvo u Komori ne smije biti ponovno upisana u imenik Komore:

- ako joj je izrečena sigurnosna mjera zabrane obavljanja dužnosti ili djelatnosti, prije nego što ta mjera istekne ili bude obustavljena
- ako je podnijela zahtjev za prestanak članstva u Komori, prije nego što istekne šest mjeseci od dana pravomoćnosti rješenja o brisanju člana iz imenika Komore.

(2) U ostalim slučajevima osoba kojoj je prestalo članstvo u Komori može zahtijevati ponovni upis u imenik Komore kad prestanu razlozi zbog kojih joj je prestalo članstvo.

Žalba

Član 37.

Protiv rješenja kojim je odlučeno o upisu u imenik Komore, odbijanju upisa u imenik, mirovanju članstva u Komori ili brisanju člana iz imenika Komore dopuštena je žalba i podnosi se Ministarstvu.

VII. KVALITETA PRUŽENE USLUGE U POSLOVIMA PROSTORNOG UREĐENJA, PROJEKTIRANJA I/ILI STRUČNOG NADZORA GRAĐENJA I VOĐENJA GRAĐENJA

Osiguranje kvalitete pružene usluge

Član 38.

Kvaliteta pružene usluge ovlaštenih arhitekata, ovlaštenih inženjera i ovlaštenih voditelja građenja, odnosno ovlaštenih voditelja radova u poslovima prostornog uređenja, projektiranja i/ili stručnog nadzora građenja te vođenja građenja osigurava se upotpunjavanjem i usavršavanjem znanja, stručnim nadzorom nad radom tih osoba te saradnjom Komore i Ministarstva.

Stručno usavršavanje

Član 39.

(1) Ovlaštene arhitekt, ovlaštene inženjer, ovlaštene voditelj građenja i ovlaštene voditelj radova nastavljaju upotpunjavati i usavršavati svoje znanje na način kontinuiranog praćenja razvoja građevinarske struke te sticanja novih znanja i vještina.

(2) Načela provedbe stručnog usavršavanja jesu:

- dostupnost izobrazbe svima, što podrazumijeva uključivanje u program izobrazbe svih zainteresiranih
- stručna osnovanost izobrazbe uz istodobno prenošenje svjetskih i vlastitih stručnih iskustava i dostignuća
- slobodan izbor, što podrazumijeva da svaki ovlaštene arhitekt, ovlaštene inženjer, ovlaštene voditelj građenja, odnosno ovlaštene voditelj radova ima pravo izabrati sadržaj i oblik stručnog usavršavanja koji mu odgovara
- kontinuirana evaluacija pružatelja stručne izobrazbe, što znači da će sve pružatelje stručne izobrazbe evaluirati polaznici izobrazbe.

Član 40.

(1) Komore u okviru trajnog stručnog usavršavanja organiziraju osnovnu i naprednu izobrazbu za poslove u okviru stručnog područja za koje su osnovane.

(2) Osnovna izobrazba iz stava 1. ovoga člana obuhvaća interdisciplinarna i druga znanja i vještine nužne za uspješno obavljanje stručnih poslova i poslovanje osoba koje rade poslove iz djelokruga Komore.

(3) Napredna izobrazba iz stava 1. ovoga člana obuhvaća napredna i/ili specijalizirana znanja i vještine za obavljanje stručnih poslova osoba koje rade poslove iz djelokruga Komore.

(4) Osobi koja je na propisani način završila program osnovne ili napredne izobrazbe iz stavaka 2. i 3. ovoga člana, Komora izdaje odgovarajući certifikat ili potvrdu.

VIII. STRUČNI NADZOR

Stručni nadzor nad radom članova Komore

Član 41.

(1) Komora provodi stručni nadzor nad radom ovlaštenih arhitekata, ovlaštenih inženjera, ovlaštenih voditelja građenja i ovlaštenih voditelja radova na osnovu javnih ovlasti iz ovoga Zakona i posebnog općeg akta kojim se uređuje način organiziranja i provođenja stručnog nadzora koji donosi Skupština Komore.

(2) Ovlasti Komore u provedbi stručnog nadzora nad radom članova prema ovom Zakonu jesu:

- pregledati dokumentaciju koja omogućuje uvid u poslovanje stranke za potrebe stručnog nadzora
- uzimati izjave od odgovornih i drugih osoba radi pribavljanja dokaza o činjenicama koje se ne mogu izravno utvrditi
- zatražiti pisanim putem točne i potpune podatke i dokumentaciju potrebnu za provođenje stručnog nadzora
- obavljati i druge radnje u svrhu provedbe stručnog nadzora.

(3) Komora je u obavljanju poslova stručnog nadzora obavezna s podacima koji su zaštićeni odgovarajućim stupnjem tajnosti postupati u skladu s posebnim propisima.

Član 42.

(1) Ako Komora u provođenju stručnog nadzora nad radom članova utvrdi nepravilnosti, dužna je:

- dati potrebne upute za otklanjanje utvrđenih nepravilnosti
- obavijestiti nadležno tijelo ako su tijekom stručnog nadzora nad radom člana Komore uočene nepravilnosti u vezi s kojima nije ovlaštena postupati
- poduzeti druge potrebne radnje te provesti postupke u skladu s ovim Zakonom i drugim općim aktima Komore.

(2) Članovi Komore nad čijim se radom provodi stručni nadzor obavezni su Komori u roku koji im je određen omogućiti provedbu stručnog nadzora i osigurati uvjete za neometan rad u okviru ovlaštenja propisanih članom 41. ovoga Zakona.

Saradnja Komore i ministarstva nadležnog za građevinarstvo i prostorno uređenje

Član 43.

(1) U obavljanju stručnog nadzora iz člana 41. ovoga Zakona Komora surađuje s Ministarstvom.

(2) Ako se pri obavljanju stručnog nadzora utvrdi povreda propisa iz djelatnosti građevinarstva i prostornog uređenja, Komora je dužna o tome bez odgađanja, a najkasnije u roku od 15 dana od dana saznanja, izvijestiti nadležnu inspekciju Ministarstva.

Član 44.

Komore su dužne dostaviti Ministarstvu godišnje izvješće o provedenim nadzorima nad radom članova Komore koje obavezno sadržava podatke o provedbi godišnjeg plana nadzora nad radom članova Komore, podatke o poduzetim mjerama radi primjene propisa, podatke o izrečenim disciplinskim mjerama te prijedloge za unapređenje stručnog nadzora.

IX. DISCIPLINSKA ODGOVORNOST OVLAŠTENOG ARHITEKTA, OVLAŠTENOG INŽENJERA, OVLAŠTENOG VODITELJA GRAĐENJA, OVLAŠTENOG VODITELJA RADOVA I STRANIH OVLAŠTENIH OSOBA

Disciplinska djela

Član 45.

(1) Ovlašteni arhitekti, ovlašteni inženjeri, ovlašteni voditelji građenja i ovlašteni voditelji radova te strana osoba upisana u imenik stranih ovlaštenih osoba Komore odgovaraju za teže i lakše povrede dužnosti i ugleda arhitekata, odnosno inženjera pred disciplinskim tijelima Komore.

(2) Teža povreda je svako narušavanje dužnosti i ugleda arhitekata ili inženjera i povreda načela i pravila utvrđenih statutom i Kodeksom stručne etike, koje ima teže značenje s obzirom na važnost ugroženog dobra, prirodu povrijeđene dužnosti, visinu materijalne štete ili druge posljedice te s obzirom na okolnosti pod kojima je radnja izvršena ili propuštena.

(3) Lakša povreda je narušavanje dužnosti i ugleda i povreda Etičkog kodeksa koja je manjeg značenja.

Disciplinske mjere

Član 46.

(1) Za teže povrede dužnosti i ugleda ovlaštenog arhitekta, ovlaštenog inženjera, ovlaštenog voditelja građenja i ovlaštenog voditelja radova te strane ovlaštene osobe statutom Komore može se kao disciplinska mjera odrediti:

- ukor
- novčana kazna u iznosu od 2000,00 do 10.000,00 KM
- zabrana obavljanja poslova u trajanju od jedan mjesec do tri godine
- prestanak članstva u Komori
- brisanje iz evidencije stranih ovlaštenih osoba.

(2) Za lakše povrede dužnosti i ugleda arhitekata, odnosno inženjera iz stava 1. statutom Komore može se kao disciplinska mjera odrediti:

- opomena i
- novčana kazna u iznosu od 500,00 do 2000,00 KM.

(3) U slučaju izricanja disciplinske mjere zabrane obavljanja poslova nadležno tijelo Komore će po službenoj dužnosti istu upisati u imenik ovlaštenih arhitekata, imenik ovlaštenih inženjera, imenik ovlaštenih voditelja građenja, odnosno imenik ovlaštenih voditelja radova i stranih ovlaštenih osoba.

(4) Ovlašteni arhitekti, ovlašteni inženjeri, ovlašteni voditelji građenja, ovlašteni voditelji radova te strane ovlaštene osobe kojima je izrečena disciplinska mjera zabrane obavljanja poslova dužni su u roku od osam dana od dana pravomoćnosti odluke kojom je takva mjera izrečena vratiti pečat i iskaznicu ovlaštenog arhitekta, ovlaštenog inženjera, ovlaštenog voditelja građenja, ovlaštenog voditelja radova ili strane ovlaštene osobe.

Član 47.

Iznos novčane kazne i iznos troškova disciplinskog postupka uplaćuje se u korist proračuna Komore.

Pokretanje disciplinskoga postupka

Član 48.

(1) Disciplinski postupak pokreće po službenoj dužnosti disciplinsko tijelo određeno statutom Komore.

(2) Iznimno od stava 1. ovoga člana, ako je prijavitelj Ministarstvo ili upravno tijelo nadležno za upravne poslove građevinarstva ili prostornoga uređenja, disciplinski postupak pokreće se bez prethodnog postupka pred disciplinskim tužiteljem.

Pravo žalbe

Član 49.

(1) Pravo žalbe u disciplinskom postupku za teže povrede dužnosti i ugleda ovlaštenog arhitekta, ovlaštenog inženjera, ovlaštenog voditelja građenja, ovlaštenog voditelja radova te strane ovlaštene osobe ima stranka kojoj je izrečena disciplinska mjera i disciplinski tužitelj.

(2) Žalba se podnosi Disciplinskom sudu ili Višem disciplinskom sudu Komore, a o njoj odlučuje Viši disciplinski sud.

Primjena zakona

Član 50.

U disciplinskom postupku protiv ovlaštenog arhitekta, ovlaštenog inženjera, ovlaštenog voditelja građenja i ovlaštenog voditelja radova te strane ovlaštene osobe, na pitanja materijalnopravne i procesnopravne naravi koja nisu uređena ovim Zakonom, statutom Komore i pravilnikom, na odgovarajući način primjenjuju se odredbe kaznenog, materijalnog i procesnog zakonodavstva.

Izvršenje novčanih kazni

Član 51.

Pravomoćna odluka disciplinskih tijela Komore kojom je izrečena novčana kazna i/ili kojom je stranka u postupku obavezana snositi trošak disciplinskog postupka predstavlja izvršnu ispravu na osnovu koje Komora može tražiti prisilnu ovrhu.

Pokretanje upravnog spora

Član 52.

Protiv odluke Višeg disciplinskog suda Komore može se pokrenuti upravni spor.

Zastara

Član 53.

(1) Pravo pokretanja disciplinskog postupka za teže povrede dužnosti i ugleda ovlaštenog arhitekta ovlaštenog inženjera, ovlaštenog voditelja građenja i ovlaštenog voditelja radova te strane ovlaštene osobe zastarijeva nakon četiri godine, a za lakše povrede nakon dvije godine od dana počinjene povrede.

(2) Izvršenje disciplinske mjere zastarijeva za tri godine od dana pravomoćnosti odluke kojom je izrečena disciplinska mjera ili od dana isteka roka za koji je izvršenje, odnosno izvršenje disciplinske mjere odgođeno.

X. PROFESIONALNO OSIGURANJE I OSIGURANJE OD ODGOVORNOSTI

Dužnost osiguranja

Član 54.

(1) Ovlašteni arhitekt, ovlašteni inženjer, ovlašteni voditelj građenja, ovlašteni voditelj radova i strana ovlaštena osoba dužni su osigurati se od profesionalne odgovornosti, primjereno vrsti i stupnju opasnosti, za štetu koju bi obavljanjem poslova, odnosno djelatnosti mogli učiniti investitoru ili drugim osobama za sve vrijeme obavljanja poslova, odnosno djelatnosti pri čemu iznos osiguranja ne može biti manji od 300.000,00 KM.

(2) Ovlaštenom arhitektu, ovlaštenom inženjeru, ovlaštenom voditelju građenja i ovlaštenom voditelju radova, upisanom u imenik stranih ovlaštenih osoba, koji ima poslovno nastanjenje na teritoriju Federacije Bosne i Hercegovine, prihvaća se već prije sklopljeni ugovor o profesionalnom osiguranju u drugoj državi ugovornici Europskog gospodarskog prostora u kojoj već ima poslovno nastanjenje ako je osiguranik pokriven jamstvom koje je istovrijedno ili bitno usporedivo s obzirom na namjenu ili pokriće koje se osigurava, pri čemu iznos osiguranja ne može biti manji od 300.000,00 KM. U slučaju djelomične istovrijednosti osiguranik je dužan dodatno se osigurati za pokriće nepokrivenih aspekata: osiguranog rizika, osigurane gornje granice jamstva ili mogućeg isključenja iz pokrića.

Član 55.

(1) Komora preuzima osnovno osiguranje od profesionalne odgovornosti svojih članova ovlaštenih arhitekata, ovlaštenih inženjera, ovlaštenih voditelja građenja i ovlaštenih voditelja radova te stranih ovlaštenih osoba, a članovi Komore dužni su Komori plaćati naknadu za profesionalno osiguranje.

(2) Kršenje obaveze profesionalnog osiguranja, odnosno neplaćanje naknade za profesionalno osiguranje Komori teža je povreda dužnosti ovlaštenog arhitekta, ovlaštenog inženjera, ovlaštenog voditelja građenja i ovlaštenog voditelja radova te strane ovlaštene osobe.

(3) Profesionalno osiguranje ovlaštenog arhitekata, ovlaštenog inženjera, ovlaštenog voditelja građenja i ovlaštenog voditelja radova, odnosno strane ovlaštene osobe preko Komore ne isključuje mogućnost njihova dodatnog individualnog profesionalnog osiguranja za štetu koju bi obavljanjem poslova, odnosno djelatnosti mogli učiniti investitoru ili drugim osobama.

Uvjeti osiguranja

Član 56.

Uvjete profesionalnog osiguranja za ovlaštene arhitekate, ovlaštene inženjere, ovlaštene voditelje građenja, ovlaštene voditelje radova i strane ovlaštene osobe zajedno utvrđuju osiguravatelji u dogovoru s komorama.

Član 57.

(1) Ovlašteni arhitekti, odnosno ovlašteni inženjeri u zajedničkom uredu solidarno odgovaraju za obaveze ovlaštenih arhitekata, odnosno ovlaštenih inženjera nastale u obavljanju poslova zajedničkog ureda.

(2) Pravna osoba registrirana za djelatnost prostornog uređenja ili djelatnost projektiranja i/ili stručnog nadzora građenja, ili upravljanja projektom gradnje solidarno odgovara za štetu nastalu radom svojih zaposlenika ovlaštenih arhitekata i ovlaštenih inženjera u obavljanju poslova prostornog uređenja, projektiranja i/ili stručnog nadzora građenja, odnosno upravljanja projektom gradnje.

(3) Pravna osoba registrirana za djelatnost građenja solidarno odgovara za štetu nastalu radom svojih zaposlenika ovlaštenog voditelja građenja i ovlaštenog voditelja radova u obavljanju poslova građenja.

XI. FINANCIJSKO POSLOVANJE I IMOVINA KOMORE

Član 58.

(1) Financijsko poslovanje Komore obavlja se prema godišnjem proračunu prihoda i rashoda Komore.

(2) Prihodi Komore jesu: upisnina, članarina, vlastiti prihodi Komore, donacije i druga sredstva ostvarena u skladu s važećim propisima.

(3) Visinu upisnine, članarine i visinu naknade za usluge Komore utvrđuje Skupština Komore.

(4) Računovodstvo Komore obavlja se u skladu s propisima o računovodstvu neprofitnih organizacija.

Član 59.

Sredstvima proračuna upravlja i raspolaže Upravni odbor Komore ako statutom nije drukčije određeno.

Član 60.

(1) Imovinu Komore čine njezine nekretnine, pokretnine, novčana sredstva i imovinska prava.

(2) Komora odgovara za svoje obaveze cijelom svojom imovinom.

(3) Članovi Komore ne odgovaraju za obaveze Komore čiji su članovi.

(4) Statutom Komore određuju se tijela ovlaštena za sticanje, opterećivanje ili otuđenje imovine.

XII. NADZOR

Član 61.

(1) Ministarstvo prati i nadzire zakonitost rada Komore u obavljanju poslova na osnovu javnih ovlasti koje su joj date.

(2) U provedbi nadzora Ministarstvo može tražiti izvještaje, podatke, materijale i druge obavijesti od Komore.

(3) Ako službena osoba Ministarstva u provedbi nadzora utvrdi nepravilnosti u radu tijela Komore u obavljanju javnih ovlasti, rješenjem naređuje otklanjanje tih nepravilnosti.

(4) Protiv rješenja kojim se naređuje otklanjanje nepravilnosti utvrđenih u provedi nadzora žalba nije dopuštena, ali se može pokrenuti upravni spor.

Član 62.

Komora ili osoba koja obavlja posao ili djelatnost uređenu ovim Zakonom i posebnim propisom kojim se uređuju poslovi i djelatnosti prostornog uređenja i gradnje – član Komore dužan je Ministarstvu u svrhu provođenja nadzora dostaviti sve tražene podatke, dokumente i izvještaje u zatraženom roku.

XIII. PRELAZNE I ZAVRŠNE ODREDBE

Član 63.

Ovaj Zakon stupa na snagu osmog dana od dana objave u „Službenim novinama Federacije Bosne i Hercegovine.“

**PREDSJEDAVAJUĆI DOMA NARODA
PARLAMENTA FEDERACIJE BOSNE I HERCEGOVINE**

**PREDSJEDAVAJUĆI PREDSTAVNIČKOG DOMA
PARLAMENTA FEDERACIJE BOSNE I HERCEGOVINE**

OBRAZLOŽENJE

Nacrt zakona o komori arhitekata i komorama inženjera u građevinarstvu i prostornom uređenju Federacije Bosne i Hercegovine

I – USTAVNI OSNOV

Ustavni osnov za donošenje ovog Zakona je sadržan u Poglavlju IV A. 7. 20 (1) k) kojim je propisano da je Parlament Federacije Bosne i Hercegovine nadležan za vršenje drugih nadležnosti koje su mu povjerene.

II – RAZLOZI ZA DONOŠENJE OVOG ZAKONA

Osnovni razlog za predlaganje nacrta zakona o komori arhitekata i komorama inženjera u građevinarstvu i prostornom uređenju Federacije Bosne i Hercegovine je stvaranje temelja za organizirano zastupanje interesa ovih stručnih zanimanja u smislu njihovog udruživanja u stručne komore, a kako je to predviđeno ovim nacrtom.

Uspostavljanjem odgovarajućih komora, oblast građenja u Federaciji Bosne i Hercegovine će biti uređena u smislu postizanja neophodne pravne i profesionalne sigurnosti, pri čemu će se otvoriti mogućnost pojačanih investicija i angažiranja domaće stručne radne snage. Naime, do sada su građevinski projekti u BiH za svoju realizaciju morali ishodovati angažman akreditiranih i licenciranih stručnjaka u područjima arhitekture, građevinarstva i prostornog uređenja, a da ustanova nadležna za akreditaciju tj. licenciranje, kao što recimo Advokatska komora u svom području to čini, nije postojala. Kako, dakle, entitet FBiH do sada nije imao komore koja bi, između ostalog, izdavala, u skladu sa pravilima struke i važećim zakonskim propisima, odgovarajuće licence i odobrenja za rad, to su se morali angažirati građevinski inženjeri, arhitekta i druga stručna lica iz inozemstva. Posao su radili domaći, a pripremljenu dokumentaciju ovjeravali strani stručnjaci, koji su za to bili debelo plaćeni.

Novim Zakonom bi se regulirali kvalitetniji odnosi s organima vlasti i uprave Bosne i Hercegovine i Federacije Bosne i Hercegovine, a u cilju poboljšanja poslovnog ambijenta za građevinske i druge firme, bolju promociju naše radne snage, adekvatniju pomoć u građevinskim projektima, boljoj zaštiti domaće proizvodnje, te u konačnici angažman naših, kroz komore organiziranih arhitekata i inženjera, na projektima u inozemstvu.

III – FINANSIJSKA SREDSTVA

Za provođenje ovog Zakona nije potrebno osigurati dodatna finansijska sredstva.

S poštovanjem,

dr Dennis Gratz

Zastupnik u Predstavničkom domu Parlamenta Federacije BiH

DOSTAVLJENO:

- Naslovu
- Parlamentu FBiH – Predstavnički dom i Dom naroda Parlamenta FBiH
- Evidencija